



# SLUŽBENI GLASNIK OPĆINE JABLANICA

broj 4/2021.







## S A D R Ź A J

Red. br.	N A Z I V A K T A	Strana
1.	Odluka o bratimljenju Općine Jablanica ( BiH) i Općine Badžilar (Bagcilar)	5
2.	Odluka o izmjeni Odluke o regulisanju saobraćaja na području Općine Jablanica	5
3.	Odluka o imenovanju Komisije za nadzor realizacije Strateškog plana razvoja općine Jablanica	6
4.	Odluka o imenovanju predsjednika Općinske izborne komisije	7
5.	Odluka o dodjeli u zakup poslovnih prostorija u objektu Sportske dvorane	8
6.	Zaključak o odbijanju ponude za zamjenu nekretnine na području KO Sovići i KO Risovac	9
7.	Zaključak o odbijanju ponude za otkup suvlasničkog dijela na nekretnini	11
8.	Odluka o imenovanju konkursne komisije za imenovanje Nadzornog odbora JP „Sportski centar Jablanica	12
9.	Zaključak o davanju saglasnosti na Odluku o objavljivanju javnog oglasa za imenovanje Nadzornog odbora JP „Sportski centar Jablanica“ d.o.o. Jablanica	13
10.	Odluka o objavljivanju javnog oglasa za imenovanje Nadzornog odbora JP „Sportski centar Jablanica“ d.o.o. Jablanica	13
11.	Javni oglas za izbor i imenovanje Nadzornog odbora JP „Sportski centar Jablanica“ d.o.o. Jablanica	15
12.	Zaključak o utvrđivanju Nacrta Odluke o pogrebnoj djelatnosti i grobljima i haremima na području Općine Jablanica	17
13.	Zaključak o utvrđivanju Nacrta Plana upravljanja otpadom Općine Jablanica ( 2021-2025)	18
14.	Zaključak o zahtevu za smjenu stečajnog upravnika u JKP „Jablanica,, d.d. Jablanica	18
15.	Zaključak u vezi ispravke tehničkih pogreški	19





Na osnovu člana 18. i člana 129. Statuta općine Jablanica ("Službeni glasnik općine Jablanica", broj: 2/09, 8/16 i 2/20), vjerujući u jačanje postojećih odnosa između Republike Turske i općine Jablanica, a u cilju afirmacije mira, napretka i prosperiteta, Općinsko vijeće Općine Jablanica, na 6. sjednici održanoj 28.04.2021. godine, donijelo je

**O D L U K U**  
**o bratimljenju općine Jablanica -Bosna i Hercegovina**  
**i Općine Badžilar (Bağcılar Belediyesi) - Republika Turska**

**Član 1.**

Radi uspostavljanja stalnih i stabilnih veza i saradnje između Općine Jablanica -Bosna i Hercegovina i Općine Badžilar (Bağcılar Belediyesi)- Grad Istanbul - Republika Turska u oblastima lokalne uprave, kulture, turizma, očuvanja historijskog i kulturnog naslijeđa, nauke, urbanizma, zaštite i uređenja okoliša, privrede, poljoprivrede, energetike, energetske efikasnosti, transporta, informacionih tehnologija, mladih, sporta, ranjivih grupa stanovništva, međunarodne pomoći i drugih pitanja od obostranog interesa Općina Jablanica se bratimi sa Općinom Badžilar.

**Član 2.**

Ovlašćuje se Općinski načelnik Damir Šabanović, da u ime Općine Jablanica sa Načelnikom Općine Badžilar Lokman Çağırıcı bude potpisnik Povelje o bratimljenju i Protokola gradova pobratima o saradnji ove dvije Općine.

**Član 3.**

Odluka stupa na snagu danom donošenja, a objavit će se u „Službenom glasniku općine Jablanica“.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-880-1/21-6  
Jablanica, 28.04.2021.g.

PREDSJEDAVAJUĆI OV-a  
Emir Muratović, BA ing.grad.,s.r.

\*\*\*

Na osnovu člana 2. i 3. Zakona o osnovama bezbjednosti saobraćaja na putevima u BiH („Sl. glasnik BiH“ br. 6/06, 75/06, 44/07, 84/09 i 48/10), te člana 18. Statuta općine Jablanica („Sl.glasnik općine Jablanica“ broj: 2/09, 8/16 i 2/20), Općinsko vijeće općine Jablanica na 6. sjednici održanoj dana 28.04.2021. godine, d o n o s i

**O D L U K U**  
**O IZMJENI ODLUKE O REGULISANJU SAOBRAĆAJA NA PODRUČJU OPĆINE JALANICA**

**Član 1.**

Ovom Odlukom vrši se izmjena Odluke o regulisanju saobraćaja na području Općine JAlanica („Službeni glasnik općine Jablanica“, broj: 5/13) (u daljem tekstu: Odluke).

**Član 2.**

Član 3. mijenja se i glasi:

„Član 3.

Dozvoljeno je kretanje vozila samo u jednom smjeru i to:

- ulicom “Branilaca grada” pravcem od priključka iz dvorišta ulica „Željeznička“, „Darivalaca krvi“ i „Branilaca grada“ (kod zgrade „Socijalnog“) do uključenja na magistralni put M-17 i
- ulicom “Darivalaca krvi” pravcem od njenog početka (ukrštanje sa ulicama “Stara ceste”, “Branilaca grada” i „Pere Bilića“) do uključenja na magistralni put M-17.”



Dozvoljeno je kretanje vozila u oba smjera dijelom ulice "Branilaca grada" od priključka iz dvorišta ulica „Željeznička“, „Darivalaca krvi“ i „Branilaca grada“ (kod zgrade „Socijalnog“) do ukrštanja sa ulicama "Stara ceste", "Branilaca grada" i „Pere Bilića“

### Član 3.

Ova Odluka stupa na snagu osmog dana od dana objavljivanja u „Službenom glasniku Općine Jablanica“.

Bosna i Hercegovina  
 Federacija Bosne i Hercegovine  
 Hercegovačko-neretvanski kanton  
 OPĆINA JABLANICA  
 OPĆINSKO VIJEĆE  
 Broj:02-02-880-2/21-6  
 Jablanica, 28.04.2021.g.

PREDSJEDAVAJUĆI OV-a  
 Emir Muratović, BA ing.građ.,s.r.

\*\*\*

Na osnovu člana 18. Statuta Općine Jablanica («Službeni glasnik Općine Jablanica» broj : 2/09, 8/16 i 2/20), a u skladu sa članom 49. Poslovnika o radu Općinskog vijeća Jablanica ("Službeni glasnik općine Jablanica", broj: 4/09, 7/10, 7/15 i 8/16) i odjeljak VI. 2. Strategija razvoja Općine Jablanica 2014-2023 (Revidirana za period 2019-2023 ("Službeni glasnik općine Jablanica", broj: 8/13), Općinsko vijeće na 6. sjednici održanoj 28.04.2021. godine, donijelo je

## ODLUKU

### o imenovanju Komisije za nadzor realizacije Strateškog plana razvoja općine Jablanica

#### Član 1.

Imenuje se Komisija za nadzor realizacije Strateškog plana razvoja općine Jablanica u slijedećem sastavu:

- |                                 |   |
|---------------------------------|---|
| 1. Damir Šabanović,             | predsjednik – Općinski načelnik   |
| 2. Emir Muratović,              | član – predsjedavajući OV-a   |
| 3. Kemal Muratović,             | član – klub vijećnika SDA   |
| 4. Said Ivković,                | član – klub vijećnika SDP i nezavisne vijećnice Adise Zukić                                     |
| 5. Minela Turkić,               | član – klub vijećnika SBB i DF  |
| 6. Himzo Ćosić,                 | član – klub vijećnika LDS i nezavisni vijećnik Širić Nihad                                      |
| 7. Idriz Čilić,                 | član – klub vijećnika, nezavisni vijećnici Čilić Idriz<br>i vijećnik HDZ Koalicija za Jablanicu |
| 8. Omer Macić,                  | član – klub vijećnika nezavisnih vijećnika Džemal Macić i<br>Amira Mursel –Čilić                |
| 9. Edin Budim,                  | član, - predstavnik udruženja privrednika   |
| 10. Admir Đelmo,                | član - predstavnik SPU  |
| 11. Haris Halilhodžić,          | član - predstavnik nevladinog sektora   |
| 12. Dženan Mulahasanović,       | član - Sekretar organa državne službe   |
| 13. Amela Muratović,            | član - Služba za LER i investicije, finansije i trezor  |
| 14. Alma Bajramović             | član - Služba za opću upravu, društvene djelatnosti....   |
| 15. Nermin Kovačević,           | član - Služba za prostorno uređenje, građenje.....  |
| 16. Omer Nezirić,               | član Služba civilne zaštite..   |
| 17. Jasminka Omanović,          | član Stručni savjetnik u Službi za LER i investicije,.....                                      |
| 18. predstavnik interesne/ih MZ | član/ovi  |

#### Član 2.

Komisija iz člana 1. ove Odluke:

- Prati realizaciju Strategije razvoja općine Jablanica,
- Vršiti kontrolu godišnjeg izvještaja o implementaciji realizacije Strategije razvoja Općine Jablanica



- Učestvuje u izradi i odabiru razvojnih projekata za realizaciju godišnjeg akcionog plana realizacije Integralne strategije razvoja Općine Jablanica
- Učestvuje u izradi i odabiru razvojnih projekata za realizaciju trogodišnjeg plana realizacije Integralne strategije razvoja Općine Jablanica
- Vršiti kontrolu realizacije sektorskih planova i djelimično ažuriranje strategije
- Vršiti i druge poslove koji proizilaze iz Integralne strategije razvoja Općine Jablanica

#### Član 3.

Mandat Komisije je vezan za mandat Općinskog vijeća.

#### Član 4.

Stručno-operativne i tehničke poslove za potrebe rada Komisije obavlja Služba za lokalni ekonomski razvoj i investicije, finansije i trezor općine Jablanica.

Stupanjem na snagu ove Odluke prestaje da važi Odluka o imenovanju Komisije za nadzor realizacije Strateškog plana razvoja općine Jablanica broj:02-02-1052-4/17 –VII od 27.04.2017.godine.

#### Član 5.

Ova Odluka stupa na snagu danom donošenja i objavit će se u “Službenom glasniku općine Jablanica”.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-880-5/21-6  
Jablanica, 28.04.2021.g.

PREDSJEDAVAJUĆI OV-a  
Emir Muratović, BA ing. građ.,s.r.

\*\*\*

Na osnovu člana 2.4, 2.12, i 2.14 i 2.15 Izbornog zakona BiH («Službeni glasnik BiH», broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 33/08, 37/08, 32/10 18/13, 7/14, 31/16 i 41/20) i člana 18. Statuta općine Jablanica (“Službeni glasnik općine Jablanica”, broj: 2/09, 8/16 i 2/20), Općinsko vijeće na 6. sjednici održanoj 28.04.2021. godine, donijelo je

### **O D L U K U**

#### **o imenovanju predsjednika Općinske izborne komisije Jablanica**

#### **I**

Za predsjednika Općinske izborne komisije Jablanica iz reda članova Općinske izborne komisije Jablanica, imenovanih Odlukom broj: 02-02- 654-5/21–5. od 31.03.2021. godine, imenuje se Lepara Sedin.

#### **II**

Ova Odluka će se dostaviti Centralnoj izbornoj komisiji BiH radi davanja saglasnosti.

#### **III**

Ova Odluka objavit će se u “Službenom glasniku Općine Jablanica”.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-880-6/21-6  
Jablanica, 28.04.2021.g.

PREDSJEDAVAJUĆI OV-a  
Emir Muratović, BA ing. građ.,s.r.



\*\*\*

Na osnovu člana 29. Odluke o prodaji i davanju u zakup poslovnih prostorija ( „Službeni glasnik općine Jablanica”, broj 2/06, 2/07 i 1/17, 4/19 i 2/21 ) i člana 18. Statuta Općine Jablanica Statuta općine Jablanica („Službeni glasnik općine Jablanica“, broj 2/09, 8/16, 2/20 ) Općinsko vijeće Jablanica, na redovnoj sjednici održanoj dana 28.04.2021.godine, *donijelo je*

### **ODLUKU** **o dodjeli u zakup poslovnih prostora u objektu Sportske dvorane**

#### Član 1.

**DODJELJUJU SE u zakup** poslovni prostori u vlasništvu Općine Jablanica koji se nalaze na spratu Sportske dvorane, a po provedenom postupku Javnog oglašavanja putem podnošenja pismenih prijava, i to:

- **poslovni prostori u okviru funkcionalne cjeline “A“ na I spratu označeni kao:** br. 1, 2, 3, te “Pres room“, “press box“ x4 i “Vip salon Veliki“, ukupne korisne površine 326,76 m<sup>2</sup>, namjene – teretana, fitnes sa svlačionicama, kaffe bar sa terasom i dječija igraonica;
- **poslovni prostori u okviru funkcionalne cjeline “B“ označeni kao:** “fitnes“ na I spratu i “kaffe“ na I i II spratu, ukupne korisne površine 309,48 m<sup>2</sup>, namjene –Tihe djelatnosti (ordinacije, poliklinike, salon ljepote, frizerski salon, fitnes, kaffe, butik i sl.)
- 

#### Član 2.

Dodjela poslovnih prostora iz tačke 1. ove Odluke izvršiće se prema rezultatima provedenog postupka dodjele u zakup, kako slijedi:

- **Poslovni prostor:** br. 1, 2, 3, te “Pres room“, “press box“ x4. i “Vip salon Veliki“, ukupne korisne površine 326,76 m<sup>2</sup>, ulica Željeznička, dodjeljuje se u zakup pravnom licu “**VULE GYM“ d.o.o. Jablanica**, kao najpovoljnijem ponuđaču uz prihvaćenu cijenu od 3,00 KM/m<sup>2</sup> mjesečno.
- **Poslovni prostori broj:** “fitnes“ na I spratu i “kaffe“ na I i II spratu, ukupne korisne površine 309,48 m<sup>2</sup>, ulica Željeznička, dodjeljuju se u zakup licu **Omer (Džafer) Pinjić iz Jablanice**, kao najpovoljnijem ponuđaču uz prihvaćenu ponudenu cijenu od 3,00 KM/m<sup>2</sup> mjesečno.

#### Član 3.

Općinski načelnik će u roku od 15 dana od dana donošenja ove Odluke sa licima iz člana 2. Ove Odluke na period od najmanje 2 (dvije) a najduže 15 (petnaest) godina zaključiti pismeni ugovor. Ugovorom iz prethodnog stava će biti detaljno definisana prava i obaveze zakupodavca i zakupoprimeca, uvažavajući uslove i obaveze iz Javnog oglasa, kao i potrebe prilagođavanja prostorija djelatnostima koje će se u skladu sa utvrđenom namjenom u njima obavljati, a što će se obavezno evidentirati projektnom dokumentacijom izvedenog stanja.

#### Član 4.

Ova Odluka stupa na snagu danom objavljivanja u „Službenom glasniku Općine Jablanica“.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-880-11/21-6  
Jablanica, 28.04.2021.g.

PREDSJEDAVALAČI OV-a  
Emir Muratović, BA ing. građ.,s.r.

\*\*\*

Na osnovu člana 41. stav 1. tačka 2. Zakona o lokalnoj samoupravi («Službene novine HNK», broj: 4/00) i člana 18. Statuta općine Jablanica («Službeni glasnik Općine Jablanica» broj 2/09, 8/16, 2/20), a u vezi sa članom 363. stav 4. Zakona o stvarnim pravima Federacije BiH („Službene novine FBiH“ broj: 66/13,





100/13), članom 4. stav 1. tačka c) Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine Federacije Bosne i Hercegovine broj:17/14) i članom 29. Odluke o građevinskom zemljištu („Službeni glasnik općine Jablanica”, broj 14/19) postupajući po zahtjevu Kopilaš (Miško) Stipe, iz Risovca, općina Jablanica, Općinsko vijeće Jablanica na 6. sjednici održanoj dana 28.04.2021. godine, donijelo je

## ZAKLJUČAK

ODBIJA SE zahtjev Kopilaš (Miško) Stipe, iz Risovca, općina Jablanica za zamjenu zemljišta označenog kao:

- a) k.č.broj: **2100/63**, zvana „Rupa“, u naravi pašnjak 5. klase, ukupne površine 33235 m<sup>2</sup>, upisana u katastarsko-knjižni i zemljišno-knjižni uložak broj 96 K.O. Risovac, vlasništvo Općina Jablanica sa 1/1 dijela,  
i zemljišta označenog kao:
- b) k.č. broj: **2937**, zvana „Plane”, u naravi pašnjak 5. klase, ukupne površine 13382 m<sup>2</sup>,
- c) k.č. broj: **2939**, zvana „Plane”, u naravi pašnjak 5. klase, ukupne površine 20747 m<sup>2</sup>,  
sve upisane u katastarsko-knjižni i zemljišno-knjižni uložak broj 131 K.O. Sovići, sa pravom svojine u korist Kopilaš (Miška) Stipo sa 1/1 dijela.

## Obrazloženje

Općinskom vijeću Jablanica, a putem Službe za upravu za geodetske, imovinsko-pravne poslove i katastar nekretnina Općine Jablanica, obratio se Kopilaš (Miško) Stipe, iz Risovca, općina Jablanica, sa zahtjevom broj: 05-33-5-915/20 od 06.11.2020. godine, za zamjenu zemljišta, na način da nekretnine čiji je on vlasnik ustupi Općini Jablanica, koja bi mu u zamjenu dala nekretnine na kojima pravo vlasništva ima Općina Jablanica. Naime, zemljište koje traži podnosilac zahtjeva odnosi se na dio parcele označene kao k.č. broj 2100/1 K.O. Risovac, poblizje naznačene u kopiji katastarskog plana broj 05-32-4-950/2020-2 od 05.11.2020. godine, priloženoj uz zahtjev.

Zemljište koje podnosilac zahtjeva nudi Općini Jablanica označeno je kao:

- k.č. broj 2937, zv. „Plane”, u naravi pašnjak 5. klase, ukupne površine 13382 m<sup>2</sup>,
- k.č. broj 2939, zv. „Plane”, u naravi pašnjak 5. klase, ukupne površine 20747 m<sup>2</sup>,
- k.č. broj 2935, zv. „Plane”, u naravi livada 6. klase, ukupne površine 4501 m<sup>2</sup>,
- k.č. broj 2936, zv. „Plane”, u naravi livada 5. klase, ukupne površine 1474 m<sup>2</sup>,

sve upisane u katastarsko-knjižni i zemljišno-knjižni uložak broj 131 K.O. Sovići, sa pravom svojine u korist Kopilaš (Miška) Stipo sa 1/1 dijela.

Zakonom o stvarnim pravima Federacije Bosne i Hercegovine („Službene novine FBiH“ broj: 66/13, 100/13) regulisan je način raspolaganja nekretninama u vlasništvu Federacije, kantona i jedinicama lokalne samouprave.

Članom 363. stav 1. naprijed navedenog Zakona definisano je da nekretninama u vlasništvu Federacije, kantona i jedinica lokalne samouprave mogu raspolagati nadležna tijela tih jedinica samo na osnovu javnog konkursa i uz naknadu utvrđenu po tržišnoj cijeni, ako posebnim zakonom nije drugačije određeno. Stavom 4. istog člana propisano je da je dopuštena i neposredna zamjena nekretnine u vlasništvu Federacije, kantona i jedinica lokalne samouprave za nekretninu približno iste vrijednosti u vlasništvu druge osobe.

Članom 4. stav 1. tačka c) Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine Federacije Bosne i Hercegovine broj:17/14) propisano je da odluku o načini i uvjetima raspolaganja nekretnina neposrednom pogodbom, ili zamjene nekretnine, u skladu sa članom 363. stav 3. i 4. Zakona o stvarnim pravima, za nekretnine koje su u vlasništvu gradova i općina, donosi gradsko, odnosno općinsko vijeće na prijedlog načelnika općine, odnosno gradonačelnika grada.

Članom 29. stav 1. Odluke o građevinskom zemljištu („Službeni glasnik općine Jablanica”, broj 14/19) propisano je da je dopuštena i neposredna zamjena nekretnine u vlasništvu Općine za nekretninu približno iste vrijednosti u vlasništvu drugog lica, uz pribavljeno mišljenje Općinskog javnog pravobranilaštva.

Članom 13. stav 2. alineja 5. i članom 35. stav 3. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj: 49/06), propisana je nadležnost



vijeća o upravljanju imovinom općine, odnosno članom 13. stav 2. alineja 5. propisano je da Vijeće u okviru svojih nadležnosti donosi odluke o upravljanju i raspolaganju imovinom jedinice lokalne samouprave, a članom 35. stav 3. definisano je da Vijeće odlučuje o pribavljanju, korištenju, upravljanju i raspolaganju imovinom jedinice lokalne samouprave.

Budući da je članom 363. stav 4. Zakona o stvarnim pravima određeno da je dopuštena i neposredna zamjena nekretnine u vlasništvu Federacije, kantona i jedinica lokalne samouprave za nekretninu približno iste vrijednosti u vlasništvu druge osobe, to su poduzete sljedeće radnje u postupku:

- uvidom u zemljišno-knjižni izvadak broj 056-0-NAR-20-005 209 od 26.10.2020. godine utvrđeno je da je u ZK ulošku broj 96 K.O. Risovac upisana nekretnina značena kao k.č. broj **2100/1**, zvana „Rupa“, u naravi pašnjak 5. klase, površine 3359190 m<sup>2</sup>, površine 22900 m<sup>2</sup>, pašnjak 3. klase površine 26198 m<sup>2</sup>, ukupne površine 3408288 m<sup>2</sup>, sa pravom vlasništva u korist Općine Jablanica sa 1/1 dijela;
- uvidom u zemljišno-knjižni izvadak broj 056-0-NAR-20-005 208 od 26.10.2020. godine utvrđeno je da su u ZK ulošku broj 131 K.O. Sovići upisane nekretnine označene k.č. broj 2937, zv. „Plane“, u naravi pašnjak 5. klase, ukupne površine 13382 m<sup>2</sup>, k.č. broj 2939, zv. „Plane“, u naravi pašnjak 5. klase, ukupne površine 20747 m<sup>2</sup>, k.č. broj 2935, zv. „Plane“, u naravi livada 6. klase, ukupne površine 4501 m<sup>2</sup> i k.č. broj 2936, zv. „Plane“, u naravi livada 5. klase, ukupne površine 1474 m<sup>2</sup>, sa pravom svojine u korist Kopilaš (Miška) Stipo sa 1/1 dijela.
- kako je Zakonom o stvarnim pravima, članom 363. stav 4. propisano da je dozvoljena zamjena nekretnine za nekretninu približno iste vrijednosti u vlasništvu druge osobe, to je Služba Zaključkom broj: 05-33-5-915/20 od 16.12.2020. godine odredila sudskog vještaka poljoprivredne struke sa liste stalnih sudskih vještaka F BiH čija obaveza je bila da odredi tržišnu vrijednost zemljišta koje je predmet zamjene;
- prema Nalazu i mišljenju, urađenom od strane stalnog sudskog vještaka poljoprivredne struke, Stipe Čuljak, dipl. ing. agr. od 12.01.2021. godine, utvrđeno je da se za 1 m<sup>2</sup> zemljišta Stipe Kopilaš, može zamijeniti i dobiti 1m<sup>2</sup> zemljišta Općine Jablanica (1:1), ako se uspoređi zemljište vlasništvo Stipe Kopilaš k.č. broj 2937, 2939, 2935 i 2936, i zemljište Općine jablanica k.č. broj 2100/1 ( ukupne površine 3408288 m<sup>2</sup>, od koje će se cijepati određena površina); Imenovani vještak je takođe konstatovao da korištenjem poredbenih cijena vrijednosti zemljišta i poredbenih pokazatelje katastarskih čestica, prema lokalitetu, pristupu, infrastrukturi, konfiguraciji terena, kao i svojim obilježjima katastarske čestice, dokazuju dovoljnu podudarnost obje nekretnine. Objе nekretnine-zemljišta pripadaju istom lokalitetu Risovac , spadaju u poljoprivredna zemljišta, treća agrozona, VII bonitetna kategorija, isti tip tla stjenovitost, što dokazuje podudarnost predmetnih zemljišta, te je iz navedenih razloga određena jedna prosječna cijena zemljišta, Stipe Kopilaš i Općine Jablanica od 3,00 KM/m<sup>2</sup>;
- Prijavnim listom broj 2/21 K.O. Risovac formirana je parcela broj 2100/63 K.O. Risovac, u površini od 33235 m<sup>2</sup>, a ista je formirana prema traženju podnosioca zahtjeva, odnosno njegovom pokazivanju na licu mjesta;
- kako je površina nekretnina koje je Stipo Kopilaš ponudio u zamjenu veća od površine parcele broj 2100/63 K.O. Risovac, koju traži da se da u zamjenu, to je u provedenom postupku na Zapisnik broj 05-33-5-915/20 od 12.04.2021. godine Kopilaš Stipo izjavio da pristaje da se izvrši zamjena parcela označenih kao k.č. broj 2937 i 2939 K.O. Sovići, ukupne površine 34129 m<sup>2</sup>, koje su njegovo vlasništvo, i parcele broj 2100/63 K.O.Risovac, površine 33235 m<sup>2</sup>, vlasništvo Općine Jablanica sa 1/1 dijela, bez obzira na razliku u površini od 894 m<sup>2</sup>.

Naime, postupajući po zahtjevu Kopilaš Stipe za zamjenu nekretnina, a shodno odredbama člana 363. stav 4. Zakona o stvarnim pravima i odredbama člana 29. stav 1. Odluke o građevinskom zemljištu („Službeni glasnik općine Jablanica”, broj 14/19) kojima je dopuštena neposredna zamjena nekretnina u vlasništvu Federacije, kantona i jedinica lokalne samouprave za nekretninu približno iste vrijednosti u vlasništvu druge osobe, u postupku je na osnovu imenovanog stalnog sudskog vještaka utvrđeno da zemljište koje se daje u zamjenu i zemljište koje se traži kao zamjensko, su iste vrijednosti.

Međutim, bez obzira na vrijednosti koje je utvrdio imenovani vještak, zemljište koje nudi podnosilac zahtjeva i zemljište koje traži u zamjenu, ne nalazi se na približno istom lokalitetu. Naime, zemljište u vlasništvu podnosioca zahtjeva nalazi se K.O. Sovići, uz perifernu granicu K.O. Risovac, na lokalitetu „Dragajice“, koje je udaljeno od centralnog dijela platoa Risovca i gravitira u planinskim područjima sa većom nadmorskom visinom.



Zemljište u vlasništvu Općine Jablanica koje se traži kao zamjensko, se nalazi na lokalitetu „Hrbine“ između „Rudog polja“ i „Ponora“. U tom smislu, evidentno je da u pogledu lokaliteta zemljište Općine Jablanica je atraktivnije i pristupačnije za eventualne buduće investicije.

Shodno navedenom, odlučeno je kao u dispozitivu zaključka.

**POUKA O PRAVNOM LIJEKU:** Protiv ovog Zaključka nije dozvoljena žalba, ali se može pokrenuti upravni spor pred nadležnim Kantonalnim sudom u Mostaru, u roku od 30 dana od dana prijema ovog Zaključka.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-880-9/21-6  
Jablanica, 28.04.2021.g.

PREDSJEDAVALAČI OV-a  
Emir Muratović, BA ing.građ.,s.r.

\*\*\*

Na osnovu člana 27. stav 2. i 3. Zakona o stvarnim pravima («Službene novine FBiH» broj 66/13, 100/13) i člana 18. Statuta općine Jablanica («Službeni glasnik Općine Jablanica» broj 2/09, 8/16, 2/20) postupajući po zahtjevu Proho (Šaban) Senada iz Glodnice, općina Jablanica i Proho (Šaban) Ismeta, iz Čelebića, općina Konjic, Općinsko vijeće Jablanica, na 6. sjednici održanoj dana 28.04.2021. godine, donijelo je

## ZAKLJUČAK

ODBIJA SE PONUDA Proho (Šaban) Senada iz Glodnice, općina Jablanica i Proho (Šaban) Ismeta, iz Čelebića, općina Konjic, za otkup suvlasničkog dijela neizgrađenog zemljišta, koju su podnijeli Općinskom vijeću Jablanica, podneskom broj: 05-27-3-205/21 od 05.04.2021. godine i kojom Općini Jablanica nude neizgrađeno zemljište označeno kao:

- k.č.broj: **1472**, zv. „Bara”, u naravi voćnjak 4. klase, površine 707 m<sup>2</sup>, upisano u katastarsko-knjižni i zemljišno-knjižni uložak broj 478 K.O. Mrakovo, suvlasništvo Općina Jablanica sa 1/7 dijela, Proho (Šaban) Senad i Proho (Šaban) Ismet sa po 3/7 dijela;  
uz ponudenu cijenu u ukupnom iznosu od 9.000,00 KM (slovima: devet hiljada konvertibilnih maraka) za svoj suvlasnički dio.

2. Ponuda imenovanih se odbija iz razloga što trenutno ne postoji interes Općine za otkup navedenog zemljišta.

3. Ponuđačima nekretnine iz tačke 1. ovog Zaključka omogućava se prenos prava koja posjeduju na navedenoj nekretnini na treća lica po istoj ili većoj cijeni od ponuđene, shodno odredbama člana 27. stav 4. Zakona o stvarnim pravima.

## Obrazloženje

Podneskom broj: 05-27-3-205/21 od 05.04.2021. godine, Proho (Šaban) Senad iz Glodnice, općina Jablanica i Proho (Šaban) Ismet, iz Čelebića, općina Konjic, obratili su se Općini Jablanica, kojim nude da isto otkupi suvlasnički udio zemljišta označenog kao k.č. broj 1472 K.O. Mrakovo po cijeni od 9.000,00 KM, za svoje suvlasničke udjele.

Uz zahtjev je priložen zemljišno-knjižni izvadak broj: 056-0-NAR-21-001 862 od 31.03.2021. godine (ovjerena fotokopija) i kopija katastarskog plana broj: 05/2-26-2-366/2021-2 od 01.04.2021. godine (ovjerena fotokopija).

Članom 27. stav 3. Zakona o stvarnim pravima propisano je da suvlasnik koji ima namjeru prodati svoj suvlasnički dio dužan je putem preporučene pošiljke po pravilima parničnog postupka o dostavi ili putem notara obavijestiti druge suvlasnike o tome navodeći tačne zemljišnoknjižne i katastarske podatke nekretnine, cijenu i ostale uvjete prodaje, dok je stavom 4. istog člana propisano da ako ponuđeni suvlasnici ne obavijeste ponudioca na isti način na koji je učinjena ponuda u roku od 30 dana od dana prijema ponude, suvlasnik može prodati svoj dio drugoj osobi, ali ne po nižoj cijeni ili povoljnijim uvjetima.



Uzimajući u obzir činjenicu da za otkup navedenog zemljišta, za sada ne postoji interes Općine, Općinsko vijeće Jablanica, na sjednici održanoj dana 28.04.2021 godine, odbilo je dostavljenu ponudu i rješilo kao u dispozitivu ovog zaključka.

**POUKA O PRAVNOM LIJEKU:** Protiv ovog Zaključka nije dozvoljena žalba, ali se može pokrenuti upravni spor pred nadležnim Kantonalnim sudom u Mostaru, u roku od 30 dana od dana prijema ovog Zaključka.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-880-10/21-6  
Jablanica, 28.04.2021.g.

PREDSJEDAVAJUĆI OV-a  
Emir Muratović, BA ing.građ.,s.r.

\*\*\*

Na osnovu člana 18. Statuta općine Jablanica («Službeni glasnik Općine Jablanica» broj:2/09, 8/16 i 2/20), člana 3. i 10. Odluke o imenovanju upravnih odbora subjekata čiji je osnivač Općina Jablanica i kriteriji za izbor i ocjenjivanje kandidata za imenovanje ( Službeni glasnik Općine Jablanica br. 6/13) člana 9. Odluke o osnivanju Javnog preduzeća „Sportski centar Jablanica“ d.o.o Jablanica (“Službeni glasnik Općine Jablanica”, broj: 6/16, 7/16 i 4/18) a u skladu sa članom 34. i 41. Statuta JP „Sportski centar Jablanica“ d.o.o. Jablanica (“Službeni glasnik Općine Jablanica”, broj: 3/17 i 04/18), , a u postupku izbora i imenovanja članova Nadzornog odbora Javnog preduzeća “Sportski centar Jablanica” d.o.o. Jablanica Općinsko vijeće Općine Jablanica na 6. sjednici održanoj dana 28.04.2021.godine, ***d o n o s i***

### ODLUKU

**o imenovanju Komisije za sprovođenje postupka izbora i imenovanja Nadzornog odbora JP „Sportski centar Jablanica” d.o.o. Jablanica**

#### I

Komisija za sprovođenje postupka izbora i imenovanja kandidata za članove Nadzornog odbora JP “Sportski centar Jablanica” d.o.o. Jablanica imenuje se u sljedećem sastavu:

- |                     |             |
|---------------------|-------------|
| 1. Nermin Kovačević | predsjednik |
| 2. Alen Alikadić    | član        |
| 3. Alma Bajramović  | član        |
| 4. Mirza Vule       | član        |
| 5. Mate Mijić       | član        |

#### II

Zadaci, nadležnost i rad Komisije iz prethodnog člana definisani su Odlukom o objavljivanju javnog oglasa za izbor kandidata za članove Nadzornog odbora JP “Sportski centar Jablanica” d.o.o. Jablanica broj: 02-02-570-1/21-RG-II od 15.04.2021.godine donešenom od strane Radne grupe koja vrši ovlaštenje skupštine u JP „Sportski centar Jablanica“ d.o.o Jablanica.

#### III

Komisija ima pravo na nadoknadu za svoj rad čiji visinu utvrđuje posebnom odlukom Općinski načelnik.

#### IV

Ova Odluka stupa na snagu danom objavljivanja u “Službenom glasniku Općine Jablanica”.



Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-880-8/21-6  
Jablanica, 28.04.2021.g.

PREDSJEDAVALAČI OV-a  
Emir Muratović, BA ing. građ.,s.r.

\*\*\*

Na osnovu člana 18. Statuta Općine Jablanica ( «Službeni glasnik općine Jablanica» broj: 2/09, 8/16 i 2/20) i člana 41. Statuta JP „Sportski centar Jablanica“ d.o.o. Jablanica ( Sl.glasnik Općine Jablanica br. 03/17 i 04/18), Općinsko vijeće općine Jablanica, na 6. sjednici održanoj dana 28.04.2021. godine, u funkciji Skupštine u JP „Sportski centar Jablanica“ d.o.o. Jablanica, d o n i j e l o j e

## ZAKLJUČAK

### I

Daje se saglasnost na Odluku o objavljivanju javnog oglasa za izbor kandidata za članove Nadzornog odbora JP “Sportski centar Jablanica” d.o.o Jablanica br. 02-02-570-1/21-RG-II od 15.04.2021.godine.

### II

Sastavni dio ovog zaključka je Odluka o objavljivanju javnog oglasa za izbor kandidata za članove Nadzornog odbora JP “Sportski centar Jablanica” d.o.o Jablanica br. 02-02-570-1/21-RG-II od 15.04.2021.godine.

### III

Ovaj Zaključak stupa na snagu danom donošenja, a objavit će se u «Službenom glasniku Općine Jablanica».

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-880-7/21-6  
Jablanica, 28.04.2021.g.

PREDSJEDAVALAČI OV-a  
Emir Muratović, BA ing. građ.,s.r.

\*\*\*

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine FBiH,, broj: 12/03, 34/03 i 65/13), člana 9. i 10. Odluke o osnivanju Javnog preduzeća „Sportski centar Jablanica“ d.o.o Jablanica (“Sl. glasnik općine Jablanica”, br. 6/16, 7/16, 4/18), Odluke o postupku imenovanja upravnih odbora subjekata čiji je osnivač Općina Jablanica i kriteriji za izbor i ocjenjivanje kandidata za imenovanje («Službeni glasnik Općine Jablanica», broj: 6/13), člana 34. i 41. Statuta JP „Sportski centar Jablanica“ d.o.o. Jablanica („Službeni glasnik Općine Jablanica“, broj: 03/17 i 04/18), Radna grupa koja vrši ovlaštenja skupštine u JP “Sportski centar Jablanica” d.o.o. Jablanica, na II sjednici održanoj dana 15.04.2021.godine, d o n o s i :

## ODLUKU

**o objavljivanju javnog oglasa za izbor kandidata za članove  
Nadzornog odbora JP “Sportski centar Jablanica” d.o.o. Jablanica**





## Član 1.

Radna grupa koja vrši ovlaštenja skupštine u JP "Sportski centar Jablanica" d.o.o. Jablanica će objaviti Javni oglas za izbor kandidata za članove Nadzornog odbora JP "Sportski centar Jablanica" d.o.o. Jablanica i to:

- 1 (član) predsjednik,
- 2 (člana) član

Sastavni dio ove Odluke je tekst Javnog oglasa.

## Član 2.

Oglas će se objaviti u "Službenim novinama Federacije BiH", u jednom dnevnom listu velikog tiraža, RTV Jablanica, službenoj web stranici Općine Jablanica i oglasnoj ploči Općine Jablanica.

Oglas za upražnjenu poziciju sadrži:

- (a) opis upražnjene pozicije, uključujući i pojedinosti o ulozi potencijalnog kandidata;
- (b) opšte uslove koje je potrebno ispunjavati za tu poziciju iz člana 5. stav 1. tač. od a) do c) Zakona o ministarskim, vladinim i drugim imenovanjima Federacije BiH ;
- (c) ostale uslove koje je potrebno ili poželjno ispunjavati za tu poziciju iz člana 6.;
- (d) ako se za poziciju traži da se ispuni obrazac prijave, jasna uputstva kako se obrazac može dobiti;
- (e) spisak potrebnih dokumenata, rok i mjesto za podnošenje prijave. Krajnji rok za podnošenje prijave ne smije biti kraći od 14 dana od dana objavljivanja oglasa o upražnjenosti poziciji u "Službenim novinama Federacije BiH".

Oglas o upražnjenosti poziciji treba da bude dovoljno detaljan da bi kandidatima dao potpunu informaciju o ulozi koju treba vršiti u Nadzornom odboru, nadoknadi, uslovima i dužini trajanja imenovanja i mogućnosti ponovnog imenovanja.

Osim ako se svakom kandidatu ne dostavlja pisana odbijena u oglasu o upražnjenosti poziciji mora se jasno naglasiti da oni podnosioci prijave sa kojima se ne stupi u kontakt u određenom roku, a nakon roka za podnošenje prijave neće biti uzeti u razmatranje u daljem procesu imenovanja.

Obavezno se čuva sva evidencija vezana za oglašavanje upražnjenosti mjesta.

## Član 3.

Za sprovođenje postupka izbora i imenovanja po javnom oglasu iz tačke 1 imenuje se Komisija. Komisija za izbor se sastoji od pet članova, od kojih su najmanje tri državni službenici (kako je to regulirano Zakonom o državnoj službi). Prilikom imenovanja članova komisije za izbor, odgovorni javni službenik vodit će računa o tome da članovi komisije za izbor po mogućnosti budu lica koja su pokazala da poznaju odredbe ovog zakona o ministarskim, vladinim i drugim imenovanjima, čiji je ovaj član dio i koja posjeduju stručno znanje u odgovarajućim oblastima. Druga dva člana komisije za izbor imenuje odgovorni javni službenik također na osnovu kriterija iz prethodne rečenice.

Komisiju za izbor iz prethodnog stava imenovaće Općinsko vijeće Jablanica posebnom Odlukom.

Komisija za izbor zadužena je da u skladu sa Zakonom o ministarskim, vladinim i drugim imenovanjima Federacije BiH i Odlukom o postupku imenovanja upravnih odbora subjekata čiji je osnivač Općina Jablanica i kriteriji za izbor i ocjenjivanje kandidata za imenovanje («Službeni glasnik Općine Jablanica», broj: 6/13) izvrši prijem, pregledanje i ocjenu prijave, te intervju sa kandidatima koji ispunjavaju uslove konkursa. Nakon obavljenog intervjua Komisija će pisanom preporukom predložiti rang listu sa najboljim kandidatima i dostaviti svoj prijedlog kandidata za članove Nadzornog odbora Radnoj grupi koja vrši ovlaštenja Skupštine u JP „Sportski centar Jablanica“ d.o.o. Jablanica koja će izvršiti konačno kandidovanje i imenovanje predsjednika i članova Nadzornog odbora JP „Sportski centar“ d.o.o. Jablanica“. Pisana preporuka sadrži sve relevantne informacije koje komisija za izbor ima. Općinsko vijeće u svojstvu skupštine daje saglasnost na imenovanju predsjednika i članova Nadzornog odbora.

## Član 4.

Naknadu članovima komisije za izbor odrediti će Općinski načelnik svojom posebnom Odlukom.

## Član 5.

Ova Odluka stupa na snagu danom donošenja i objaviti će se u „Službenom glasniku općine



Broj: 02-02-570-1/21-RG- II  
Jablanica, 15.04.2021.godine

SKUPŠTINA JAVNOG PREDUZEĆA  
„SPORTSKI CENTAR JABLANICA“  
D.O.O. JABLANICA  
Predsjednik radne grupe u  
vršenju ovlaštenja skupštine  
Adis Zukić

\*\*\*

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine FBiH“, broj: 12/03, 34/03 i 65/13), člana 9. i 10. Odluke o osnivanju Javnog preduzeća „Sportski centar Jablanica“ d.o.o. Jablanica („Sl. glasnik općine Jablanica“, br. 6/16, 7/16), Odluke o postupku imenovanja upravnih odbora subjekata čiji je osnivač Općina Jablanica i kriteriji za izbor i ocjenjivanje kandidata za imenovanje («Službeni glasnik Općine Jablanica», broj: 6/13), člana 34. i 41. Statuta JP „Sportski centar Jablanica“ d.o.o. Jablanica („Službeni glasnik Općine Jablanica“, broj: 03/17 i 04/18), Odluke o objavljivanju javnog oglasa za izbor kandidata za članove Nadzornog odbora JP „Sportski centar Jablanica“ d.o.o. Jablanica br. 02-02-570-1/21-RG-II od 15.04.2021. godine, Radna grupa koja vrši ovlaštenja skupštine u JP „Sportski centar Jablanica“ d.o.o. Jablanica, **o b j a v l j u j e**

**JAVNI OGLAS**  
**za izbor i imenovanje članova Nadzornog odbora**  
**Javnog preduzeća „Sportski centar Jablanica“ d.o.o. Jablanica**

I

Objavljuje se javni oglas za izbor i imenovanje na poziciju članova Nadzornog odbora JP „Sportski centar Jablanica“ d.o.o. Jablanica i to:

1. 1 (jedan) član – predsjednik,
2. 2 (dva) člana,

II

**Opis pozicija**

Nadzorni odbor ima sljedeće nadležnosti:

- priprema i predlaže Etički kodeks, poslovnike i druge opće akte koje usvaja Skupština preduzeća,
- imenuje i razrješava članove Uprave, vrši izbor kandidata odbora za reviziju i predlaže Skupštini kandidate za Odbor za reviziju u skladu sa zakonom,
- Razmatra i nadzire postupak javnih nabavki,
- Predlaže raspodjelu dobiti, te daje upute direktoru za provođenje mjera i aktivnosti prilikom uočenih propusta,
- Odlučuje o ostalim pitanjima u skladu sa Zakonom.

Pored navednog Nadzorni odbor ima i sljedeća ovlaštenja:

- 1) utvrđuje poslovnu strategiju i poslovne ciljeve Preduzeća i stara se o njihovoj realizaciji;
- 2) usvaja izveštaj o stepenu realizacije programa poslovanja;
- 3) donosi godišnji program poslovanja, uz saglasnost Osnivača;
- 4) nadzire rad direktora;
- 5) vrši unutrašnji nadzor nad poslovanjem Preduzeća;
- 6) uspostavlja, odobrava i prati računovodstvo, unutrašnju kontrolu, finansijske izveštaje i politiku upravljanja rizicima;
- 7) utvrđuje finansijske izveštaje Preduzeća i dostavlja ih osnivaču radi davanja saglasnosti;
- 8) odlučuje o statusnim promjenama i osnivanju drugih pravnih subjekata, uz saglasnost Osnivača;
- 9) daje saglasnost direktoru za preduzimanje poslova ili radnji u skladu sa zakonom, statutom i odlukom Osnivača;
- 10) zaključuje ugovore o radu na određeno vrijeme sa direktorom Preduzeća;
- 11) vrši druge poslove u skladu sa zakonom, statutom i propisima kojima se utvrđuje pravni položaj privrednih društava.



## III

Članovi Nadzornog odbora imenuju se na period od 4 (četiri) godine.

## IV

Kandidati koji apliciraju na poziciju članova nadzornog odbora moraju ispunjavati opće i posebne uslove.

**Opći uslovi** za imenovanje kandidata su:

1. da su stariji od 18 godina
2. da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije;
3. da se na njih ne odnosi član IX. 1. Ustava Bosne i Hercegovine;

**Posebni uslovi** za imenovanje kandidata:

Pored općih kriterija, kandidati za članove nadzornog odbora moraju ispunjavati sljedeće posebne kriterije:

1. **Stručna sprema i radno iskustvo:** Visoka stručna sprema VII stepen, odnosno visoko obrazovanje drugog ciklusa Bolonjskog sistema i tri (3) godine radnog iskustva
2. **Sposobnosti:** sposobnost za savjesno, odlučno i odgovorno obavljanje pozicije; sposobnost nepristrasnog donošenja odluka; komunikacijske i organizacione sposobnosti; rezultati rada ostvareni u dosadašnjem radu; dokazani rezultati rada ostvareni tokom radne karijere; naklonjenost timskom radu.
3. **Eliminacioni kriterij:** Kandidat da nije stariji od 70 godina u momentu imenovanja.

**Ostali uslovi :**

- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH», broj: 12/03, 34/03 i 65/13),
- da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH“, broj 70/08);
- da nemaju privatni interes u ustanovi u kojoj se kandidiraju u smislu člana 2. tačka 1.2. Zakona o ministarskim, vladinim i drugim imenovanjima Federacije Bosne i Hercegovine, („Službene novine Federacije BiH“, broj:12/03, 34/03 i 65/13);
- da se protiv njih ne vodi krivični postupak;
- da nisu osuđivana za krivična djela i za privredne prijestupe nespojive sa dužnošću u Nadzornom odboru pet godina od dana pravosnažnosti presude, isključujući vrijeme zatvorske kazne,
- da nisu lica kojima je presudom zabranjeno obavljanje aktivnosti u nadležnosti Nadzornog odbora;
- da nisu osuđivani za krivično djelo ili privredni prijestup, koji predstavlja smetnju za imenovanje na upražnjenu poziciju;
- da im pravosnažnom presudom nije zabranjeno obavljanje aktivnosti u nadležnosti javnog preduzeća
- da nisu članovi upravnih/nadzornih odbora;
- da nije direktor Javnog preduzeća u kojem se vrši imenovanje ili lice koje je u direktnom srodstvu sa direktorom.

Dokumenti kojima se dokazuje ispunjavanje kriterija moraju biti u originalu ili ovjerenoj kopiji.

**Napomena:** Lični podaci o kandidatima su tajni i mogu se prikupljati i obrađivati samo u skladu sa odredbama Zakona o zaštiti ličnih podataka BiH („Službeni glasnik BiH“, broj: 49/06, 76/11 i 89/11).

## V

**Podnošenje prijava**

Uz prijavu na Javni oglas, kandidati su dužni priložiti kraću biografiju, izvod iz matične knjige rođenih, diplomu o stečenoj stručnoj spremi i uvjerenje o radnom iskustvu, obrazac - Izjavu o bilo kojem pitanju iz tačke IV Oglasa koje predstavlja smetnju ili bi moglo dovesti do sukoba interesa u slučaju da dođe do njegovog imenovanja, ovjerenog potpisa od nadležnog organa. Prijavni obrazac i obrazac izjave se nalazi na Info pultu Šalter sale Općine Jablanica i službenoj web stranici općine [www.jablanica.ba](http://www.jablanica.ba).





Svakom kandidatu koji je dostavio neblagovremene i nepotpune prijave i koji ne ispunjava opće i posebne kriterije, dostavlja se pisana odbijenica i isti neće biti uzet u razmatranje u daljem procesu imenovanja.

Svi kandidati koji budu stavljeni na listu za uži izbor pozvat će se pisanim putem na intervju. Zainteresovana stranka može podnijeti prigovor na konačno imenovanje ako vjeruje da u procesu izbora/imenovanja nisu ispoštovana načela utvrđena Zakonom o ministarskim, vladinim i drugim imenovanjima Federacije BiH.

Prigovor se podnosi Općinskom vijeću, a kopija se dostavlja Ombudsmenu za ljudska prava Bosne i Hercegovine.

Javni oglas ostaje otvoren 15 (petnaest) dana od dana objave u „Službenim novinama Federacije BiH“, a isti će se objaviti i u dnevnom listu „Oslobođenje“, RTV Jablanica i službenoj web stranici Općine Jablanica i oglasnoj ploči Općine Jablanica.

Prijave na propisanom obrascu sa traženim dokumentima treba dostaviti lično na protokol Općine Jablanica ili preporučeno poštom na adresu:

OPĆINA JABLANICA

OPĆINSKO VIJEĆE

Pere Bilića br. 15

**„Prijava na Javni oglas za izbor i imenovanje članova Nadzornog odbora JP Sportski centar**

**Jablanica d.o.o. Jablanica**

**„NE OTVARATI“**

Predsjedik Radne grupe

Adis Zukić s.r.

\*\*\*

Na osnovu člana 18. Statuta općine Jablanica (“Službeni glasnik općine Jablanica” broj: 2/09 ,8/16 i 2/20), Općinsko vijeće Općine Jablanica, na 6. sjednici održanoj dana 28.04.2021. godine, d o n o s i

## ZAKLJUČAK

### I

Utvrđuje se Nacrt Odluke o pogrebnoj djelatnosti i grobljima i haremima na području općine Jablanica.

Sastavni dio ovog zaključka čini Nacrt Odluke o pogrebnoj djelatnosti i grobljima i haremima na području općine Jablanica.

### II

O Nacrtu Odluke o pogrebnoj djelatnosti i grobljima i haremima na području općine Jablanica sprovest će se javna rasprava u trajanju do 90 dana.

Javnu raspravu će sprovesti Služba za upravu za prostorno uređenje, građenje, zaštitu okoline i stambeno – komunalne poslove.

### III

Ovaj Zaključak stupa na snagu danom donošenja, a objavit će se u “Službenom glasniku Općine Jablanica”.

Bosna i Hercegovina  
Federacija Bosne i Hercegovine  
Hercegovačko-neretvanski kanton

OPĆINA JABLANICA

OPĆINSKO VIJEĆE

Broj:02-02-880-3/21-6

Jablanica, 28.04.2021.g.

PREDSJEDAVAJUĆI OV-a  
Emir Muratović, BA ing.građ.,s.r.

\*\*\*



Na osnovu člana 18. Statuta općine Jablanica ("Službeni glasnik općine Jablanica" broj: 2/09, 8/16 i 2/20), Općinsko vijeće Općine Jablanica, na 6. sjednici održanoj dana 28.04.2021. godine, d o n o s i

## ZAKLJUČAK

### I

Utvrđuje se Nacrt Plana upravljanja otpadom općine Jablanica (period 2021-2025.godine).

Sastavni dio ovog zaključka čini Nacrt Plana upravljanja otpadom općine Jablanica (period 2021-2025.godine).

### II

O Nacrtu Plana upravljanja otpadom općine Jablanica (period 2021-2025.godine) sprovest će se javna rasprava u trajanju do 90 dana.

Javnu raspravu će sprovesti Služba za upravu za prostorno uređenje, građenje, zaštitu okoline i stambeno – komunalne poslove.

### III

Ovaj Zaključak stupa na snagu danom donošenja, a objavit će se u "Službenom glasniku Općine Jablanica".

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-880-4/21-6  
Jablanica, 28.04.2021.g.

PREDSJEDAVAJUĆI OV-a  
Emir Muratović, BA ing.građ.,s.r.

\*\*\*

Na osnovu člana 18. Statuta općine Jablanica ("Službeni glasnik općine Jablanica" broj: 2/09, 8/16 i 2/20), Općinsko vijeće Općine Jablanica, na 6. sjednici održanoj dana 28.04.2021. godine, d o n o s i

## ZAKLJUČAK

### I

Općinsko vijeće Općine Jablanica odbacuje Izvještaje i Informacije o radu i poslovanju JKP „Jablanica“ d.d. Jablanica – u stečaju za 2020.godinu.

### II

Općina Jablanica zahtjeva smjenu stečajnog upravnika u JKP „Jablanica“ d.d. u stečaju zbog odstupanja od stečajnog plana i pogoršavanja poslovnih rezultata u poslovnoj 2020.godini.

### III

Zahtjev za smjenu stečajnog upravnika će potpisati Općinski načelnik i Predsjedavajući OV-a i isti dostaviti stečajnom sudiji i članovima Odbora povjerenika.

### IV

Ovaj Zaključak stupa na snagu danom donošenja, a objavit će se u "Službenom glasniku Općine Jablanica".



Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-880-12/21-6  
Jablanica, 28.04.2021.g.

PREDSJEDAVAJUĆI OV-a  
Emir Muratović, BA ing. građ.,s.r.

\*\*\*

Na osnovu člana 18. Statuta općine Jablanica ("Službeni glasnik općine Jablanica" broj: 2/09, 8/16 i 2/20), Općinsko vijeće Općine Jablanica, na 6. sjednici održanoj dana 28.04.2021. godine, d o n o s i

## ZAKLJUČAK

### I

Zadužuju se Stručna služba za poslove OV-a i Služba za lokalni ekonomski razvoj, finansije i trzorz da izvrše ispravku tehničkih grešaka u Odluci o bratimljenju Općine Jablanica ( Bosna i Hercegovina) i Općine Badžilar ( Republika Turska) koja je donesena na 6. sjednici OV-a od 28.04.2021.godine te izvrše stilsko uređenje i gramatičko prilagođavanje Povelje o bratimljenju i Protokola gradova pobratima između Općine Jablanica ( Bosna i Hercegovina) i Općine Badžilar ( Republika Turska) uzimajući u obzir tri jezika i to bosanski, turski i engleski jezik.

### II

Ovaj Zaključak stupa na snagu danom donošenja, a objavit će se u "Službenom glasniku Općine Jablanica".

Bosna i Hercegovina  
Federacija Bosne i Hercegovine  
Hercegovačko-neretvanski kanton  
OPĆINA JABLANICA  
OPĆINSKO VIJEĆE  
Broj:02-02-880-13/21-6  
Jablanica, 28.04.2021.g.

PREDSJEDAVAJUĆI OV-a  
Emir Muratović, BA ing. građ.,s.r.